



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Sulpici[i] Severi Presbyteri Opera Omnia

**Sulpicius <Severus>**

**Amstelodami, 1665**

Domitiani persecutio.

**urn:nbn:de:hbz:466:1-11490**

alias, cum propter peccata captivitatibus traderentur, nunquam tamen ultra septuaginta annos servitutis pœnam penderunt.

- 1 XLV. <sup>1</sup> Interjecto deinde tempore, <sup>2</sup> Domitianus, Vespasiani filius, <sup>3</sup> persecutus est Christianos. Quo tempore, <sup>4</sup> Joannem Apostolum atque Evangelistam, <sup>5</sup> in Pathmum insulam relegavit: <sup>6</sup> ubi ille arcanis sibi mysteriis revelatis, librum sacræ Apocalypsis (qui quidem <sup>7</sup> à plerisque aut <sup>3</sup> stulte, aut impie non recipitur) conscriptum edidit. Non multo deinde intervallo, tertia <sup>8</sup> persecutio per Trajanum fuit: <sup>9</sup> qui cum tormentis & quæstionibus nihil in Christianis,

1 Interjecto deinde tempore.] A.C. xcv. Domitiani xlii. vel xlv. Euseb. Chron.

2 Domitianus.] Cui Neroni cognomen ob crudelitatem: quem ideo nonnulli credunt Antichristum venturum, ut supra dictum.

3 Persecutus est Christianos.] Δούρειος ἀνεκείνῳ διωγμῶν. Eusebius III. Histor. 13.

4 Joannem Apostolum atque Evangelistam.] Etiam Propheta fuit. Hieron. in primo adversus Jovinianum c. 14. Johannes & Apostolus & Evangelista, & Propheta. Apostolus, quia scripsit ad ecclesias ut magister: Evangelista, quia librum Evangelii condidit, quod excepto Mattheo, alii ex duodecim Apostolis non fecerunt: Propheta, vidit enim in Pathmo insula, in qua fuerat à Domitiano principe ob Domini martyrium relegatus, Apocalypsin infinita futurorum mysteria continentem. Refert autem Tertullianus, quod Romæ missus in ferventis olei dolium, purior & vegetior exiverit quam intraverit.

5 In Pathmum insulam.] Scribo; in Patmum. Nam Græce est εἰς πᾶτμον. Drus. Est una Cycladum Ægei maris, ambitu xxx. clō. pass. Strabo x. & alii. De hac relegatione ejus Euseb. III. 14. Irenæus v. Hieron.

6 Ubi ille.] Apocalypsin in Patmo scriptam testatur Athanasius in Synopsi, Hieronymus, Irenæus, alii. Idem Eu-

sebius innuit, quanquam dubitanter, 3. Hist. 14.

7 A plerisque aut stulte aut impie, non recipitur.] Græcis præsertim, qui de hoc libro semper dubitarunt. Hieron. ad Dardanum. Cajus quidam eum Cerintho adscripsit. Contra quem disputat Dionysius Alexandriae Episcopus apud Euseb. VII. Hist. 20. Tales hæretici dicti sunt ἀλογοί, quasi ratione carentes, aut λόγοων negantes. Epiphanius. Hæres. 11. De hoc libro quæ fuerint veterum iudicia, vide apud Erasmum & Bezam in N. T.

8 Tertia persecutio per Trajanum fuit.] Hanc initam alii scribunt anno Christi cxi. alii ann. cviii. Biennio post, hoc est, ann. Christiano cx. Simon Cleopæ F. qui Episcopatum Jerosolymorum tenebat, crucifigitur. Eusebius in Chronico, & III. Hist. 26.

9 Qui cum tormentis.] Nam initio decretum proposuit, ut Christiani ubique conquirentur, & per tormenta, si aliter non posset, usque ad mortem sacrificare ritu majorum adigerentur. Post cum Plinius Bithiniæ proconsul per epistolam eum super hac re consulisset, respondit, Christiani conquirendi non sunt: si deserantur, & arguantur, puniendi sunt. Vide Plinium x. Epist. 97. Euseb. III. 27. Tertullian. Apologetico. Ubi vides Christianos carmen Christo,

nis, morte aut pœna dignum, reperisset, <sup>1</sup> sœviri in eos <sup>4</sup>  
ultra vetuit. Sub *Hadriano* deinde, <sup>2</sup> Judæi rebellare volue-  
runt, <sup>3</sup> Syriam ac Palæstinam diripere conati: missoque <sup>5</sup>  
exercitu subacti sunt. Qua tempestate, *Adrianus*, exilti-  
mans <sup>4</sup> se Christianam fidem loci injuria perempturum, &  
in

Christo, quasi Deo, dicere solitos, obtritosque inter se, non in scelus aliquod, sed ne furta, ne latrocinia, ne adulteria committerent, ne fidem fallerent, ne depositum appellati abnegarent. Pervicaciam & inflexibilem in iis obstinationem culpât *Plinius*, in hoc uno, quod deos appellare, & simulacris numinum ture ac vino supplicare, ac Christo maledicere nollent, neque ut id facerent, ullis tormentis cogi possent. Epistola quæ ei respondet *Trajani*, eum ait re ipsa manifestum facere Christianum se non esse, qui diis Romanis supplicet. *Grotius*.

1 *Sæviri in eos ultra vetuit.*] Anno Christi centesimo undecimo. *Eusebius*. Quæ si vera, duravit hæc persecutio annos tres, aut ut alii volunt, octo. *Drus*.

2 *Judæi rebellare voluerunt.*] Imo rebellaverunt, duce quodam Judæo, quem *Eusebius* & alii *Barchochabam* nominant. Id sonat *stella*. Nam *Chochab stella*. De quo *R. Aquiba* exponebat textum illum, *oriatur stella ex Jacob*. Idem ejusdem armiger fuisse traditur. Meminit *Hiero.* adversus *Rufinum* l. 3. cap. 9. *Barchochabas* autor seditionis *Judaica stipulam in ore succensam anhelitu ventilabat, ut flammam evomere putaretur*. Magnus hostis fuit Christianorum, quod sibi contra Romanos militare nollent. *Eusebius*, Judæi eum nominant *Barchoziba*, id est, filium mendacii, quod fraudulenter circumvenisset eos, Messiam se esse persuadendo. Ejus mentio in *Thalmud*, tractatu *Sanhedrin*, & in *Johasin*. Verba *Salmanticensis*, *Filius Choziba* rebellavit in Romanos, surrexitque & profectus est in *Cyrenen*, quæ in *Africa*, surgentesque *Judæi*, qui ibi erant, occiderunt omnes Romanos & Græcos in il-

lis locis, qui arenam maris numero equalant. Inde abiit in *Ægyptum* & fecit similiter. Quod cum audirent *Judæi* qui in *Giphdi*, hoc est, in *Ægypto*, interfecerunt omnes gentes, usque adeo ut non remaneret residuum. Quo audito, *Trajanus* misit contra eos *Adrianum*, qui subegit eos & posuit legem *Romæ*: ne quis *Judæus* intraret *Ægyptum*. Dicunt etiam doctores nostri: *Adrianus* *Cæsar* occidit multa millia, in *Berber* autem occidit duplo plures quam egressi sunt ex *Ægypto*, anno *LII*. post excidium. In מלכי רומי. In diebus *Domitiani* extitit *Choziba*, & in diebus *Nervæ* & in diebus *Adriani* regnavit *Choziba* & filius ejus neposque ejus: qui bellarunt bella magna cum omnibus gentibus, & subegerunt *Ægyptum*. Contra hos roboravit se *Adrianus*, & ascendit contra terram *Juda*, percussitque filium *Choziba* & occidit eum. Tum extinctus est populus multus. Non vexavit eos *Nabuchodonosor*, neque *Titus*, sicut *Adrianus Cæsar*. Vide *Petit*. 1. *Ecl. Chron.* xiv.

3 *Syriam ac Palæstinam.*] Accidit hoc anno Christi cxxxv. Ad quem annum *Eusebius*, *Judæi ad arma*, inquit, *versi*, *Palæstinam depopulati sunt*, tenente provinciam *Tenio Ruse*, cui ad opprimendos rebelles *Hadrianus* misit exercitum. Vide *Euseb.* iv. *Hist.* II. 6. *Oros.* vii. *Nicephor.* III. 24. *Dionem*, & alios.

4 *Se Christianam fidem loci injuria perempturum.*] Vim *Hadriano Sulpicius* facit. Nam *Hadrianus* ex animo Christianis favit, sed occulte. Quin & molitum ferunt, ut *Christus* pro Deo reciperetur, templaque in eum usum erexisset: deterritum tamen consilio *Quondam*, qui affirmabant fore ut cultus omnis Deorum periret, si id fieret, quod de *Christo* cogitabat. Igitur non id molitus